



CONCELLO DE CARNOTA

Praza San Gregorio, 19
15293 CARNOTA (A Coruña)
C.I.F.: P-1502000-A
Telf.: 981 857032
correo@carnota.gal
www.carnota.gal

RESOLUCIÓN DE ALCALDÍA

ASUNTO: APROBACIÓN DAS BASES DO CAMPAMENTO ALDEA DE VERÁN 2022

EXPEDIENTE: 2022/X999/000038

ANTECEDENTES:

1. Aldea de Verán pretende ser unha oferta educativa que, o Concello de Carnota, a través do Departamento de Servizos Sociais, lles ofrece ás familias co fin de conciliar a vida persoal, laboral e familiar durante as vacacións de verán e, ao mesmo tempo, contribuír á formación socioeducativa da rapazada que participe neste campamento estival.
2. Este campamento está dirixido á rapazada de 3 a 12 anos.

CONSIDERACIÓNS LEGAIS E TÉCNICAS:

O artigo 21 da Lei 7/1985, do 2 de abril, reguladora das bases do réxime local establece as atribucións que ostenta o alcalde.

De acordo con todo o indicado, RESOLVO:

1. Aprobar as bases do Campamento Aldea de Verán 2022 anexas a esta Resolución.
2. Dar conta desta Resolución ó Pleno.

O alcalde

Juan Manuel Saborido Rama

Dou fe. O secretario

José Luis Veiga Sierra

BASES DO CAMPAMENTO “ALDEA DE VERÁN 2022”

Aldea de Verán pretende ser unha oferta educativa que o Concello de Carnota, a través do Departamento de Servizos Sociais, lles ofrece ás familias co fin de conciliar a vida persoal, laboral e familiar durante as vacacións de verán e, ao mesmo tempo, contribuír á formación socioeducativa da rapazada que participe neste campamento estival, con actividades atractivas dende o punto de vista educativo, cultural e convivencial.

1.DESTINATARIOS/AS:

O programa está dirixido a nenas e nenos de 3 a 12 anos, que estarán divididos en grupos de traballo segundo a idade. No referente aos rapaces e rapazas de tres anos, non poderán participar os que aínda non cursaran 4º de Educación Infantil.

2.NÚMERO DE PRAZAS:

Ofértanse 60 prazas no mes de xullo e 50 prazas no mes de agosto. En relación coa Covid-19, seguiranse a normativa e protocolos establecidos polas autoridades sanitarias no momento actual.

3.CRITERIOS DE SELECCIÓN (NON EXCLUÍNTES) E ADXUDICACIÓN DAS PRAZAS:

Para outorgar as prazas teranse en conta os seguintes criterios, segundo a puntuación que se indica na seguinte táboa:

CRITERIOS	PUNTUACIÓN
Familias empadroadas no Concello de Carnota	20
Familias nas que ambos os proxenitores ou titores legais traballen ou familias monoparentais ou monomarentais traballando.	6
Familia monoparental ou monomarental	2
Familia numerosa categoría xeral	2
Familia numerosa categoría especial	3
Familias con fillas/os con certificado de discapacidade	2 (por filla/o que presente certificado de discapacidade)
Vítimas de violencia de xénero	2
Renda per cápita igual ou inferior a 9000 €	2

A adxudicación das prazas realizarase da seguinte maneira:

- Adxudicación directa: se as solicitudes non superan o número de prazas ofertadas.
- No caso de que as solicitudes superen as prazas ofertadas, a selección dos/das aspirantes realizarase en función do cumprimento dos requisitos da táboa anterior, asignando praza directa aos que teñan a maior puntuación ata cubrir a totalidade das prazas.

No caso de que se produzan empates nas puntuacións, realizarase un sorteo público entre as/os aspirantes que teñan a mesma puntuación, realizaranse tantos sorteos como empates se produzan ata cubrir as prazas e establecer a orde da lista de agarda.

Dado que un dos obxectivos desta actividade é favorecer a conciliación da vida laboral e familiar, nos sorteos que de ser o caso se realicen, os irmáns irán na mesma papeleta.

4.PRAZO DE PRESENTACIÓN DE SOLICITUDES E DOCUMENTACIÓN A ACHEGAR

O prazo para a presentación da solicitude abrangue dende o 23 ata o 27 de maio (ambos incluídos).

Xunto co modelo de solicitude deberán xustificar documentalmente os requisitos declarados nela:

- Volante de empadramento ou autorización para a comprobación dos datos no padrón municipal.
- Vida laboral dos proxenitores ou certificado de servizos prestados.
- Xustificación acreditativa de familia monoparental ou monomarental.
- Título de familia numerosa.
- Certificado do grao de discapacidade.
- Documentación xustificativa da situación de violencia de xénero, en vigor.
- Declaración do IRPF correspondente ao ano 2020. Certificado de imputacións de renda, emitido pola Axencia Estatal de Administración Tributaria.

Cabe a posibilidade de valorar situacións familiares de especial dificultade, previo informe elaborado polo persoal técnico do Departamento de Servizos Sociais.

Estes requisitos deben cumprirse na data da aprobación destas bases.

5.HORARIOS: Este campamento levarase a cabo de luns a venres, durante os meses de xullo e agosto, agás os festivos. O horario será de 10:00 a 14:30 horas, mais ofrecerase a posibilidade de incorporarse ás 08:00 h da mañá, naqueles casos en que sexa necesario para favorecer a conciliación da vida persoal, laboral e familiar.

6.PREZO: Os prezos son os seguintes:

Os prezos son os seguintes:

1 filla/o	90 €/mes
2 ou máis fillas/os	60 €/mes por cada filla/o a partir do segundo

As familias numerosas ou familias con persoas con certificado de discapacidade beneficiaranse dun desconto do 25 %, sobre a cota que lle corresponda con independencia do número de fillos/as matriculados no campamento.

Cabe a posibilidade de quedar exento/a de pago, previo informe elaborado polo persoal técnico do Departamento de Servizos Sociais, sempre que a familia acredite unha situación económica precaria.

O pago da cota correspondente está suxeito á resolución dunha subvención solicitada á Secretaría Xeral de Igualdade, para este fin. No momento en que sexa publicada esta resolución no DOG, será posto en coñecemento das familias e informarase se deben proceder ao pago da cota correspondente.

7.NORMAS DE FUNCIONAMENTO: Deberánselle comunicar á persoa encargada da actividade os cambios que se produzan en relación cos datos que figuren na folla de inscrición.

Prégase puntualidade na entrega e recollida da rapazada.

Máis de tres faltas de asistencia sen xustificar ao campamento, poderá ocasionar a baixa na actividade. Neste caso, ofertaráselle a praza ao neno ou nena que corresponda segundo a orde establecida na lista de agarda.

8.OBSERVACIÓNS:

1. Recoméndase vestimenta e calzado cómodo.
2. Cómpre que as/os participantes boten crema solar antes de saír da casa e que traian unha pequena merenda para a media mañá, unha gorra e unha botella de auga.
3. No caso de que se realice unha actividade acuática deberán traer unha bolsa con traxe de baño, toalla, chancletas e crema solar.

9. COMISIÓN DE VALORACIÓN

A comprobación dos criterios de selección e da documentación achegada, será realizado por unha comisión de valoración, queda constituída polos seguintes membros:

- Traballadora social
- Educadora familiar
- Administrativo do Departamento de Servizos Sociais

Asinado dixitalmente na data que figura ao marxe.

O Alcalde
Juan Manuel Saborido Rama

Dou fe. O Secretario
José Luis Veiga Sierra